

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona”, broj: 7/10) i člana 140. stav (4) Zakona o visokom obrazovanju („Službene novine Zeničko-dobojskog kantona”, broj: 6/09, 9/13, 13/13, 4/15, 5/18, 4/19, 19/20 i 15/21), na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona, na 158. sjednici, održanoj dana 16.06.2022. godine, d o n o s i

ZAKLJUČAK

o davanju saglasnosti na visinu naknada spoljnim saradnicima u realizaciji pojedinih oblika naučno-nastavnog procesa na Univerzitetu u Zenici u akademske 2022/2023. godini

I.

Daje se saglasnost na Prijedlog Odluke Upravnog odbora Univerziteta u Zenici, broj: 01-01-1-1866/22 od 09.05.2022. godine, na visinu naknade za angažovanje istaknutog stručnjaka iz prakse, studenta doktorskog studija i studenta-saradnika (demonstratora), angažovanih u svojstvu spoljnog saradnika, za izvođenje pojedinih oblika naučno-nastavnog procesa na Univerzitetu u Zenici u akademskoj 2022/2023. godini, kao i na visinu naknade putnih troškova, a koji čini sastavni dio ovog zaključka.

II.

Visina naknade za istaknutog stručnjaka iz prakse obračunava se u neto iznosu u visini od 25,00 KM (slovima: dvadesetpet konvertibilnih maraka) po satu, pri čemu maksimalni broj sati naučno-nastavnog procesa može iznositi 30% od utvrđene norme nastavnog predmeta na kojem je istaknuti stručnjak iz prakse angažovan, a koji mora biti usklađen s nastavnim planom fakulteta i Odlukom Senata Univerziteta u Zenici donesenom na prijedlog NNV/UNV fakulteta/akademije za akademsku 2022/2023. godinu.

III.

Visina naknade za studenta doktorskog studija obračunava se u neto iznosu u visini od 150,00 KM (slovima: stotinupedeset konvertibilnih maraka) po semestru pri čemu maksimalni broj sati u nastavi prvog i drugog ciklusa može iznositi u obimu do najviše polovine utvrđenog opterećenja saradnika iz nastavnog predmeta na kojem je angažovan, a koji mora biti usklađen s nastavnim planom fakulteta i Odlukom Senata Univerziteta u Zenici donesenom na prijedlog NNV/UNV fakulteta/akademije za akademsku 2022/2023. godinu.

IV.

Visina naknade studenta-saradnika (demonstratora), izabranog na nastavni predmet u skladu sa odredbama člana 268. Statuta Univerziteta u Zenici (Prečišćeni tekst), obračunava se u neto iznosu u visini od 200,00 KM (slovima: dvijestotine konvertibilnih maraka) po semestru, a koji mora biti usklađen s nastavnim planom fakulteta i Odlukom NNV/UNV fakulteta/akademije o izboru studenta saradnika (demonstratora) za akademsku 2022/2023. godinu.

V.

Angažovanim spoljnim saradnicima-istaknutim stručnjacima iz prakse (iz tačke II. Zaključka) koji imaju prebivalište izvan sjedišta Univerziteta u Zenici pripada naknada za putne troškove.

Naknada za putne troškove za relacije u zemlji i inostranstvu priznaje se u visini od 0,30 KM po pređenom kilometru.

VI.

Ukupne naknade spoljnim saradnicima angažovanim u realizaciji pojedinih oblika naučno-nastavnog procesa studija na Univerzitetu u Zenici u akademskoj 2022/2023. godini utvrdit će se pojedinačnim ugovorima o djelu između Univerziteta i spoljnog saradnika po osnovu elemenata navedenih u tačkama od II. do V. ovog zaključka, a obračun i isplata vršit će se u skladu sa važećom zakonskom regulativom.

VII.

Za realizaciju ovog zaključka zadužuju se Univerzitet u Zenici, Ministarstvo za obrazovanje, nauku, kulturu i sport i Ministarstvo finansija, svako u okviru svojih nadležnosti.

VIII.

Zaključak stupa na snagu danom donošenja.

Broj: 02-_____/22
Datum, 16.06.2022. godine
Zenica

PREMIJER

Mirnes Bašić

DOSTAVLJENO:

1x Ministarstvo za obrazovanje, nauku, kulturu i sport,

1x Ministarstvo finansija,

1x Univerzitet u Zenici-Rektorat, Fakultetska 3, putem Ministarstva,

1x a/a.